

四庫全書

史部

欽定四庫全書

皇朝通志卷六十二

樂畧一

臣等謹案虞書云詩言志歌永言聲依永律和聲
故鄭樵志樂謂樂以詩為本詩以聲為用其所列
四門皆系以聲而輒以聲歌湮沒風雅不分為言
盖必有聲律身度之聖人斯能推闡精微折衷美
善以昭盛德之形容也洪惟我

國家

列聖相承功成治定作為大樂美備詳明

聖祖仁皇帝貫通理數特揭正樂審音和聲定律協均度
曲之旨詳載律呂正義一書垂示萬世而於審比
聲歌之事猶有待也我

皇上極建中和業隆繼述以前書內尚少樂章字譜用
加釐正別陰陽辨清濁音律之高下節奏之短長
咸分刊而節比之務使律呂各得其宜歌奏不淆

其序故自

郊

廟登歌

朝廷宴饗以及丹陛導迎饒歌鼓吹遠方蒲服之音
千籥羽翳之制莫不繪圖定譜列入律呂正義後
編夫而後

聖祖之所為審音定樂制器協均者一一施諸實用至於
一切

金匱要略卷六十二
慶典舉行每

親製宸章宣諸金石即

令臣工撰擬亦必

特加訂定一歸敦雅莊和此所由廣大清明成文從律
洋洋乎載如地而嚮如天上媿簫韶之雅奏也比
者

皇上猶以聲音之道宜趨古雅而樂工承襲徃徃但徇
工尺莫究聲律之原

特命樂部大臣取律呂正義後編內樂譜駢注宮商等
字樣俾避俗歸雅克諧古音仰見

聖天子釐定宮懸精研聲律敷宣雅化期協同和之至
意因是編祇載樂章名目其宮商角徵羽奉

旨詳定在律呂正義後編內茲不具列仍依鄭樵原志
按類次序分為正聲遺聲祀饗正聲祀饗別聲附
以樂舞至鄭志尚有十二律五聲八音名義諸門
本襲通典之文應於

皇朝通典內按門詳載不贅叙於是云

正聲

臣等謹案鄭樵樂畧正聲一門所載銃歌言戰陳之事鼓吹為警嚴之節西涼等曲遠方之樂亦屬鞞師職掌之遺至相和歌以下等曲多巷陌歌謠之詞無關雅奏我

朝審比聲歌一洗前代靡曼之習今所綜輯皆光昭國典之章初非鄭樵所錄能髣髴萬一也

鏡歌大樂二十八章

大清朝 四時仗 承天眷 貢琛球 錦繡乾

坤 中天盛世 奉宸歡 晴開五雲 瑞雲籠

駕六龍 扈翠華 四時念 壯軍容 日初

昇 嘉祥曲 練吉日 謁珠邱 御黼座 長

白山 布雨湖 建遼陽 瀋陽城 鐵嶺山

孕嘉產 毓靈禽 蕃珍樹 建皇極 鑠皇清

鏡歌清樂二十七章

九龍旃 鬯皇威 整貔貅 河清海晏 輦路

平 景清明 聖武光昭 皇風泰 慶雲呈

象天行 虹流華渚 皇都無外 夏諺歌 芳

滕曲 渥洼曲 美留都 溯興京 格皇天

大凌河 狩于原 日上扶桑 九五飛龍 聖

德巍巍 蹠躩游龍 慶皇圖 萬國瞻天 昊

天命

臣等謹按右鏡歌大樂二十八章鏡歌清樂二十

七章

皇帝躬祀

郊

廟禮成回鑾及

御樓受俘並擇奏之

車駕省方則設於旌門外每夕奏數闋恭遇

大閱

駕出饒歌大樂奏壯軍容之章

駕入饒歌清樂奏皇威之章乾隆七年定

平西凱旋郊勞饒歌十六章

帝效天 燦月竈 振王鈇 攻庫車 厥角稽

黑水戰 援兵來 阿克蘇 鹿斯奔 回城

降 伊水洱 和門開 天斷成 皇式 辟靡

帝圖鞏

平西凱旋郊勞凱歌四十章

臣等謹按乾隆二十五年平定西域大軍凱旋

皇帝跽蹕黃新莊

親行郊勞是日陳設鹵簿大駕設黃幄

御座於郊臺正中饒歌鳴螺軍士俱於臺左右排立凱

歌樂排立於御道左右

駕至郊臺軍士鳴螺奏平西饒歌禮成

皇上出黃幄乘騎饒歌樂止停鳴螺馬上奏平西凱歌

駕還行宮樂止

平定兩金川饒歌十六章

皇威鬯 慎行師 犄角攻 趨拉平 討促浸

迅霆復 八旗勇 窮猿僵 扼宜喜 越重

壕 河之西 後路清 一窟推 釜底魂 穴

蟻掃 武功成

御製平定兩金川凱歌三十章

臣等謹按乾隆四十年八月平金川大軍攻克勒

烏圍紅旗報捷

御製凱歌十章十一月攻克西里第二峯四十一年二

月攻克噶喇依並

御製凱歌各十章四月大軍凱旋

皇上親行郊勞於黃新莊

命以凱歌三十章與饒歌十六章並奏之自二十五年

平西時至此十七年之間庸功疊奏

聖武遠揚洵千古未有之盛烈也

臣等又按鄭樵於正聲首列饒歌考饒歌源於漢代本為軍中之樂馬端臨謂二十二曲中以其名

義考之若上之回則巡幸之事上陵則祭祀之事
朱鷺則祥瑞之事至艾如張釣竿篇之屬則各指
事為言非專為戰伐也魏晉以後代易新名至唐
則有破陣樂等四曲宋則有上帝命等十四曲顧
唐如柳宗元所上晉陽武等十二曲宋如尹洙所
進皇雅十篇當時未見施行自元至明則寂如已
我

朝所定篇目孔多義各有取至平西平兩金川諸製

布昭

聖武宣

皇威尤為度越前古云

導迎樂

臣等謹按周禮鐘師以鐘鼓奏九夏杜子春謂王出入奏王夏此導迎樂之所由昉若宋之永至梁之皇雅皆其類也我

朝憲於前典準齋日不樂之義凡遇大祀

皇帝出宮鼓吹陳而不作禮畢

還宮則奏之值齋期仍不奏其餘如

進表

進箋

頒時憲書

頒詔

殿試迎榜

進吻等皆得奏是樂其制定於順治元年乾隆七年

重定樂章十七年奏準凡

躬祭回鑾名曰祐平一應

慶典名曰禧平典禮之隆聲容之盛非宗之六州十
二時明之武成所能並論也

皇帝耕藉禾詞一章

三十六禾詞

臣等謹按雍正二年定耕藉禾詞樂工於耕藉所
排列俟行禮時歌此詞鉅典光昭足補古禮之所

未備

皇后躬蠶歌詞一章

采桑歌

臣等謹案乾隆七年定

先蠶壇樂章兼定此歌

皇后躬桑時采桑歌排列桑外東西徑道唱之用與采

詞畧同

笳吹樂章六十七章

牧馬歌 古歌 如意寶 佳兆 誠感詞 吉

慶篇 肖者吟 君馬黃 懿德吟 善哉行

樂土謠 踏搖娘 頌禱詞 慢歌 唐公主

丹誠曲 明光曲 吉祥師 聖明時 微言

際嘉平 善政歌 長命詞 窈窕娘 湛露

四賢吟 賀聖朝 英流行 堅固子 月圓

緩歌 至純詞 美封君 少年行 四天生吟

宛轉詞 鐵驪 木樨珠 好合曲 童阜

天馬吟 龍馬吟 始條理 追風赭馬 迴

波詞 長豫 平調 遊子吟 平調曲 高士

吟 哉生明 高哉行 三章 圓音 欄杆

思哉行 法座引 接引詞 化導詞 七寶鞍

短歌 夕照 歸國謠 僧寶吟 婆羅門引

三部落 五部落

番部合奏樂章三十一章

大合曲 染絲曲 公莫 雅政詞 鳳凰鳴

乘驛使 兎置 西鰈曲 政治詞 千秋詞

鴻鵠詞 慶君侯 慶夫人 羨江南 救度詞

大番曲 遊逸詞 興盛詞 艷冶曲 慶聖

師 白鹿詞 合歡曲 白駝歌 流鶯曲 君

侯詞 夫人詞 賢士詞 舞詞 鼗鼓曲 調

和曲

臣等謹按笳吹樂章六十七章番部合奏樂章三十一章皆乾隆七年定於

皇帝筵宴進果進酒進饌清樂止慶隆舞畢後奏之如
恭遇

盛京大宴凱旋

賜宴並擇奏數闋考鄭樵所載九部樂當時第演習其
聲無與服教畏神之盛也我

朝中外一家化隆道洽遠方藩服之樂登奏

殿廷茲謹備列笳吹諸樂章以方周禮鞀鞀氏之職

掌焉

古稀祝嘏樂章

臣等謹案乾隆四十五年

皇上七旬萬壽藏僧班禪額爾德呢恭獻此詞

聖祉延洪遠方忭祝聲教之廣

福祚之隆於斯並可仰見云

御製新樂府

七德舞 法曲 二王後 海漫漫 立部伎

華原磬 上陽白髮人 胡旋女 新豐折臂翁

太行路 司天臺 捕蝗 昆明春 城鹽州

道州民 馴犀 五絃彈 蠻子朝 驃國樂

縛戎人 驪宮高 百鍊鏡 青石 兩朱閣

西涼伎 八駿圖 澗底松 牡丹芳 紅線

毯 杜陵叟 繚綾 賣炭翁 母別子 陰山

道 時世裝 李夫人 陵園妾 鹽商婦 杏

為梁 井底引銀瓶 官牛 紫毫筆 隋隄柳

草茫茫 古冢狐 黑潭龍 天可度 秦吉

了 鷄九劔 采詩官

臣等謹按

御製新樂府五十章皆用白居易原題恭讀
御製序云以古喻今以今方古我國家受

命開基

祖功

宗德俾子孫知勩業之艱謹神器之守至哉

聖訓所謂不因文而作者與雖未宣諸樂部

命被管絃而義叶人心律符天矩詢足藻金石而絢萬
禩已

遺聲

臣等謹按鄭樵遺聲一門謂為逸詩之流蓋以喻
篇章之未被管絃者顧僅目為雅言幽思初無與
於功德之隆也我

朝文煥功魏隆古莫並一時臣下詠歌盛業無非導
揚紀實之文登之簡編足以凌轡今古茲之所載

謹從

皇清文頴

幸魯盛典

平定兩金川方畧諸書內錄入皆有闕政典之篇若泛

常擬作未經

奏進入選者不敢概行列載云

皇雅

涇邱 關隴 南紀 巨浸

臣等謹按右

皇雅四篇康熙二十年臣葉方藹上涇邠十二章受降也

闕隴十二章平隴石也南紀十一章平閩也巨浸

十一章平海寇也

鏡歌鼓吹曲

聖皇出 遼水奠 安隴石 豫章翻 掃七閩 海波

平 平五羊 桂水深 殲渠魁 洞庭湖 收

成都 克黔陽 定昆明 文德舞

臣等謹按石鏡歌鼓吹曲康熙二十年臣徐嘉炎

上

聖皇出

皇帝受命也遼水奠平察哈爾之亂也安隴右平王輔臣也豫章翻定江西賊也掃七閩平耿精忠也海波平驅海寇鄭錦也平五羊討尚之信也桂水深定廣西亂也殲渠魁吳三桂伏天誅逆黨漸自解散也洞庭湖平湖南郡縣也收成都平全蜀也克黔

陽定貴州也定昆明誅吳世璠平全滇也文德舞
告成功也凡一十四章

平滇饒歌

聖同

天 出師初 皇矣 於錄 民畝 昔夜郎 萬方平

於都 審天心 山石

臣等謹按平滇饒歌十章康熙二十年臣袁佑上

東巡雅

臣等謹按康熙二十三年

駕幸闕里行釋奠禮臣下矢詩紀盛臣徐元文上此篇凡

十三章

親祠闕里雅

臣等謹按右雅一篇康熙二十三年臣李振裕上

述

聖政雅

臣等謹按右雅二篇東山十章南薰十章康熙二

十三年臣顧沂上

聖駕幸闕里樂府

臣等謹按右樂府十二章康熙二十三年臣金居

敬上

大駕南巡樂府

東南春 歲星謠 江水清 桃花然

臣等謹按右樂府四章康熙二十八年臣趙執信

上東南春道路無擾也歲星謠蠲租稅也江水清

吏知法廉也桃花然變民俗也

聖駕南巡風謠十章

臣等謹按右樂府十章康熙二十八年臣彭會洪

上

聖武雅

惟天 皇矣 武成

臣等謹按康熙三十五年三十六年

大駕三臨沙漠厄魯特全國蕩平臣陳廷敬上雅三篇惟

天十有一章言初臨沙漠安邊破敵武功盛也皇
矣十有一章言直臨沙漠撫降人民武功再盛也
武成十有一章言臨沙漠禽孽殲兇武功大成也

平北雅

臣等謹按石雅一篇康熙三十六年臣王士正上

聖武神功蕩平漠北鏡歌鼓吹曲

揚

聖武

神幾捷 峙金湯 踣獬獸 天駟煌

天行健 寗孤雛 伏天誅 衢歌繁 武功成 光芝

檢 陳王會

臣等謹按右饒歌十二章康熙三十六年臣杜臻

上

聖武功成饒歌鼓吹曲

聖武昭 行天討 虔祭告 命將帥 嘉祥應 三出

塞 廣招徠 大無外 凱歌還 辭

尊號

臣等謹按右鏡歌十章康熙三十六年臣陳論上

平北雅

成命

皇祐

天監

臣等謹按右雅三篇康熙三十六年臣宋駿業上

成命九章

天子自將出塞靖邊塵安萬民也

皇祐九章

天子再出塞料軍實決機宜也天監九章

天子三出塞兇醜窮威服天誅集大功也

聖駕北巡饒歌

撫萬國

乘法駕紫壇高

六龍旋

臣等謹索右饒歌四章康熙三十六年臣沈涵上

撫萬國

天威北指厄魯特遠遁也

乘法駕

大駕巡邊喀爾喀等懇切輸誠也紫壇高

德合天人甘霖屢沛也

六龍旋

還宮齋祓

親詣北郊行禮也

大駕親平沙漠還京凱歌

皇矣 有山崔嵬 從軍樂 絕大漠 二儀樂

雄狐 歌凱旋

臣等謹按右凱歌七篇康熙三十六年臣姜宸英

上皇矣頌

宸斷也有山崔嵬述貞符也從軍樂恤將士也絕大漠頌

神武也二儀樂好生也雄狐美諸將能稟

神算成大功也歌凱旋樂寇平

大駕早還也

聖武遠揚青海平定饒歌

廩之窮 賊母俘 屈羣醜

臣等謹按右饒歌三章雍正二年臣錢陳羣上頌
平定青海之烈廩之窮言我師深入賊衆逃竄也
賊母俘言渠魁被擒又獲賊母也屈羣醜言捷音
奏聞詣學行禮也

聖駕恭謁

祖陵大禮慶成樂府

聖大孝 發

鑾輅

盛京樂 謁

三陵 懷

祖烈 禮成宴 羣蕃朝 大狩閱 永錫類

六龍 廻

臣等謹按右樂府十章乾隆八年

皇上恭謁

祖陵禮成臣沈德潛上

帝鑒

臣等謹按石樂府十章乾隆八年

皇上謁

陵禮成時臣萬承蒼上

平定金川雅

有繹 戎車 繁雲 鸞鑣

臣等謹按乾隆十四年

平定金川臣梁詩正上雅四篇有繹五章美出師也戎車四章翦二豎也繁雲五章番酋降也鸞鑣五章告成功也

聖武遠揚雅

臣等謹按右雅一篇乾隆十四年

平定金川臣夢麟上

平定兩金川雅

苞蘖 寅威 周陸 凱懾

臣等謹按右雅四篇乾隆四十二年臣程景伊上
苞蘖十章儻拉肇釁按旅徂征遂平之也寅威七
章索諾木納我叛人守險拒命

簡帥濟師審戎機以推堅銳也周陸十章師武臣力克
承

睿策悉俘羣醜武功成也凱懾十章

聖武既昭行慶秩典申無疆也

欽定四庫全書

皇朝通志

三

皇朝通志卷六十二

欽定四庫全書

皇朝通志卷六十三

樂畧

二

祀饗正聲

臣等謹按鄭樵於祀饗正聲自漢郊祀十九章東

都五詩外僅列梁之十二雅唐之十二和然猶謂其雅頌不分神人互用後若漢之十二成周之十二順宋之十二安金之十二寧皆依仿梁制而為

之顧自宋以來更多舛戾如高安為祀天神之樂而移祭帝禹理安為享宗廟之樂而奏送天神迨乎有明雜用宮商遂無統紀哉

朝禮隆樂備

世祖章皇帝御宇之初即定

郊

廟

朝廷之樂錫名曰平

聖祖仁皇帝兩加增定樂章備焉

皇上折衷古制按律分宮因事異宜秩然不紊制作明
備莫可比隆茲所編輯一遵律呂正義後編所定
先

郊

廟次

朝會燕饗即鄭樵所云有天地之樂有宗廟之樂有
君臣之樂不同禮不同聲之義也至燕饗樂內如

學庠舉行鄉飲酒禮暨部宴行聖公文武進士皆
嘉惠臣下與

親臨錫宴之典不同今謹載入祀饗別聲以備鄭志之
一體考原志別聲一門祀饗並列我

朝虔恪祀事特昭鄭重茲別聲所列均屬燕饗之樂
仰見

盛時規制迥非前代所可比符云

圜丘樂九成

黃鍾為宮

始平 迎神

景平 奠玉帛

咸平 進俎

壽平 初獻

嘉平 亞獻

永平 終獻

熙平 徹饌

清平 送神

太平望燎

臣等謹按每歲冬至大祀

天於

圜丘用樂九成以黃鍾為宮考順治元年定終獻之樂名

雍平送

神名太平望燎名安平乾隆七年重定今名又按順治十

七年定

大享殿合祀樂定迎

神奏元和奠玉帛景和進俎肅和初獻壽和亞獻安和終獻永和徹饌協和送

神泰和望燎瘞清和樂章用和字後未經復行至乾隆十六年改

大享殿為

祈年殿每歲於此行祈穀之禮焉祈穀樂章見後

臣等又按周禮圜鍾為宮奏之圜丘函鍾為宮奏之方澤乃又曰奏黃鍾以祀天神奏太簇以祭地

祇經文互異若漢奏黃鍾以祀天地是圜丘方澤
同一宮調隋則奏黃鍾以祀天奏太簇以祭地至
祖孝孫作唐大樂乃定圜丘以黃鍾為宮方澤以
林鍾為宮最為近古然唐制登歌奠玉帛天神大
呂為宮地祇應鍾為宮俎入天神黃鍾為宮地祇
太簇為宮未免錯雜宋時冬至祀圜丘以黃鍾為
宮孟春祀感生帝以太簇為宮孟夏雩上帝以仲
呂為宮夏至祀皇地祇以蕤賓為宮孟冬祭神州

地祇以應鍾為宮是蓋隨月用律亦未允協我

皇上博考前規貫通三極以黃鍾位子為天統

天壇樂章以黃鍾為宮林鍾位未為地統

地壇樂章以林鍾為宮定論昭垂永為法守記曰大人舉

禮樂則天地為昭其斯之謂歟

方澤樂八成 林鍾為宮

中平 迎神

廣平 奠玉帛

含平 進俎

太平 初獻

安平 亞獻

時平 終獻

貞平 徹饌

寧平 送神

臣等謹按每歲夏至大祀

地於

方澤用樂八成以林鍾為宮考順治元年定進俎之樂名
咸平初獻名壽平乾隆七年重定今名

臣等又按黃鍾子為天統林鍾未之衝丑為地統
太簇寅為人統其說本於班固夫天秉陽一陽初
復律中黃鍾是為天統宜矣至於夏至一陰生律
中蕤賓地秉陰而不以蕤賓為地統者陽律而陰
呂也陽性剛其長也勃焉故一陽初復即為天統
陰性柔其長也以漸故積至二陰方能受任於太

陽以生長萬物此未之所以為中央土而為地統也况林鍾之律六寸適合地之成數乎

祈穀壇樂九成

黃鍾為宮

祈平

迎

神

綏平

奠玉帛

萬平

進俎

實平

初獻

穰平

亞獻

瑞平

終獻

渥平

徹饌

滋平

送

神

穀平

望燎

臣等謹按每歲正月上辛祭

上帝於

祈年殿祈穀用樂九成以黃鍾為宮考順治元年定迎神之樂名中平奠玉帛名肅平進俎名咸平初獻名壽平

亞獻名景平終獻名永平徹饌名凝平送

神名清平望燎名太平乾隆七年重定今名

雩祭樂九成 黃鍾為宮

霽平 迎神

雲平 奠玉帛

需平 進俎

霖平 初獻

露平 亞獻

霑平 終獻

靈平 徹饌

霽平 送神

霑平 望燎

臣等謹按每歲孟夏龍見欽天監擇日行常霽禮
用樂九成以黃鍾為宮乾隆七年定

御製雲漢詩

臣等謹按乾隆七年定

大雩典禮

皇上倣雲漢詩體

御製詩歌八章於

大雩致祭終獻之後用舞童十六人執羽翳歌此詩

聖念懇誠

宸章剴切勤求民瘼之意於斯可仰見云

太廟時享樂六成

太族為官

貽平 迎

神

教平 奠帛初獻

敷平 亞獻

紹平 終獻

光平 徹饌

又平 送 神還宮

臣等謹按每歲孟春初旬孟夏孟秋孟冬朔日行
時享禮於

太廟用樂六成以太族為宮每月朔望及三大節

奉先殿致祭同考順治元年定迎

神之樂名開平奠帛初獻名壽平亞獻名嘉平終獻名雍

平徹饌名熙平送

神還宮名成平乾隆七年重定今名

臣等又按圜丘方澤宗廟所謂三大祭也顧周禮

既曰黃鍾為宮奏之宗廟乃又有奏無射享先祖

奏夷則享先妣之文不無疑義漢奏絃賓以祀宗

廟惟唐祖考孫定宗廟以太蔭為宮未幾而張文

收復改用黃鍾且俎入則用無射殊為未協我
皇上折衷羣議以太簇寅位人之統也乃定太簇為宮
與

圜丘黃鍾

方澤林鍾相生之序適合洵可為萬世法矣

太廟祫祭樂六成

太簇為宮

開平

迎

神

肅平

奠帛初獻

協平 亞獻

裕平 終獻

誠平 徹饌

成平 送

神遂宮

臣等謹按每歲十二月大建以二十九日小建以二十八日行禘祭禮於

太廟用樂六成以太簇為宮考順治十六年定迎

神之樂名貞平奠帛初獻名壽平亞獻名嘉平終獻名雍

平徹饌名熙平送

神選宮名清平乾隆七年重定今名

臣等又按

朝會之樂隨月用律而

太廟不用月律者蓋

太廟若與

朝會相同則大祫于建丑之月于法當用大呂時享
以四孟之月于法當用太簇仲呂夷則應鍾是十

二律呂闕其七故惟太簇一宮寅為人統人本乎

祖用之

太廟至為精當也

社稷壇樂七成 春夾鍾為宮秋南呂為宮

登平 迎神

茂平 奠玉帛初獻

育平 亞獻

敦平 終獻

博平 徵饌

樂平 送神

徵平 望瘞

臣等謹按每歲春秋仲月戊日祭

太社

太稷於

社稷壇用樂七成春以夾鍾為宮秋以南呂為宮考順

治元年定迎

欽定四庫全書

神樂名廣平奠玉帛初獻名壽平亞獻名嘉平終獻名
雍平徹饌名熙平送

神名咸平乾隆七年重定今名

社稷壇祈雨報祀樂七成
祈夾鍾為宮報南呂為宮

延豐 迎神

介豐 奠玉帛初獻

滋豐 亞獻

霈豐 終獻

綏豐 徹饌

貽豐 送神

溥豐 望瘞

臣等謹按

社稷壇祈雨報祀樂章用豐字祈用夾鍾為宮報用南

呂為宮係乾隆十八年定

朝日壇樂七成 太簇為宮

寅曦 迎神

明曦 奠玉帛

清曦 初獻

咸曦 亞獻

純曦 終獻

延曦 徹饌

歸曦 送神

臣等謹按每歲春分日卯時祭

大明之神於

朝日壇用樂七成以太簇為宮日生於東春分建卯之
月乃不用夾鍾而用太簇者夾鍾陰而日為陽也
夕月壇樂六成南呂為宮

迎光 迎神

升光 奠玉帛初獻

瑤光 亞獻

瑞光 終獻

涵光 徹饌

保光送神

臣等謹按每歲秋分日酉時祭

夜明之神於

夕月壇用樂六成以南呂為宮月生於酉秋分為建酉
之月故用南呂又按以上

兩壇樂制章名順治八年定樂章則乾隆七年重加訂
正

先農壇樂七成

姑洗為宮

永豐 迎神

時豐 奠帛初獻

咸豐 亞獻

大豐 終獻

屢豐 徹饌

報豐 送神

慶豐 望瘞

臣等謹按每歲二月若三月吉亥

皇帝舉耕耤禮祭

先農壇用樂七成以姑洗為宮考耕耤之禮舊用卯月
亥日未時取亥卯未木德之盛今用三月者以燕
地氣寒二月上亥尚未解凍故用下亥而每入於
三月然日躔仍是卯月之次也今樂不用夾鍾而
用姑洗者姑洗為角角為木既有取於木德之盛
而姑洗又有萬物去枯就鮮之義故特異於他祀
而不用月律之制凡以重農事云爾又按樂制章

名順治十一年定樂章則乾隆七年訂正
臣等又按耕耤之禮古來罕見舉行我

朝

列聖相承敬

天勤民歲舉大典虔祀

先農

皇上遵述

鴻猷紹承罔敷敦本重農

先後洵同一轍也

先蠶壇樂六成

仲呂為宮

麻平

迎

神

承平

奠帛初獻

均平

亞獻

齊平

終獻

柔平

徹饌

洽平

送

神

臣等謹按每歲季春吉巳

皇后親祭

先蠶壇用樂六成以仲呂為宮乾隆七年定

歷代帝王廟樂六成

春夾鍾為宮秋南呂為宮

肇平

迎神

興平

奠帛初獻

崇平

亞獻

恬平

終獻

淳平 徽饌

匡平 送 神

臣等謹按每歲春二月秋八月祭

歷代帝王廟用樂六成春以夾鍾為宮秋以南呂為宮
考順治二年定樂六奏迎

神雍正奠帛初獻安平亞獻中平終獻肅平徹饌凝平
送

神望燎壽平乾隆七年重定今名

臣等又按有時在三月九月致祭者其樂不用姑洗無射仍用夾鍾南呂蓋以二月八月祭事孔殷故諏日或在三月九月然清明後霜降前以日躔言之猶是二月八月也

文廟樂六成

春夾鍾為宮秋南呂為宮

昭平

迎

神

宣平

奠帛初獻

秩平

亞獻

叙平 終獻

懿平 徹饌

德平 送 神

臣等謹按每歲春秋仲月上丁祭

先師孔子廟用樂六成春以夾鍾為宮秋以南呂為宮
考順治元年定迎

神之樂名咸平奠帛初獻名寧平亞獻名安平終獻名
景平徹饌送

神亦均名咸平乾隆七年重定今名直省

文廟樂名並同惟樂章從異又按順治九年

聖駕臨雍講學行釋奠禮迎

神奏咸平奠獻奏寧平送

神奏咸平凡三奏嗣後恭遇

臨雍釋奠行禮用樂並同乾隆五十年二月辟雍肇建

皇上臨雍講學時在仲春釋奠之日奏樂仍用六成又

車駕省方釋奠

闕里用樂與春秋丁祭同

神祇壇樂六成

天神黃鍾為宮

地祇林鍾為

祈豐 迎神

華豐 奠帛初獻

興豐 亞獻

儀豐 終獻

和豐 徹饌

錫豐 送神

臣等謹按

天神從祀

圜丘

地祇從祀

方澤又別建一壇遇水旱則有司特祀獲應則報焉用樂

六成

天神以黃鍾為宮

地祇以林鍾為宮乾隆七年定

臣等又按

皇帝時巡致祭山川並製樂章乾隆十三年

皇上東巡增製

岱廟樂章十五年

巡幸中州增製

嵩廟樂章十九年再謁

祖陵增製

長白山樂章樂名並同惟辭各異

太歲壇樂六成 太蔟為宮

保平 迎 神

定平 奠帛 初獻

嘏平 亞獻

富平 終獻

盈平 徹饌

豐平 送 神

臣等謹按每歲孟春歲暮

遣官致祭

太歲壇用樂六成以太蕤為宮考順治元年定奠帛初獻之樂名安平亞獻中平終獻肅平徹饌雍平送神寧平乾隆七年重定今名又按

太歲壇即前代之五郊也分為五氣則曰勾芒祝融后土蓐收元冥合為一歲則曰太歲以人神異制故不得隨月用律為宮至不用首律而用歲首之律者所以讓尊於天且以歲首之月統十二月也

太歲壇祈雨報祀樂六成

太簇為宮

需豐

迎

神

宜豐

奠帛初獻

晉豐

亞獻

協豐

終獻

應豐

徹饌

洽豐

送

神

臣等謹按

太歲壇祈報樂章用豐字以太族為宮乾隆十八年定
羣祀奏慶神歡樂

臣等謹按每歲祭

先醫於景惠殿

火神廟

顯佑宮

關帝廟

城隍廟

東嶽廟

黑龍潭龍神祠

玉泉龍神祠興工祭

后土

司工之神迎吻祭

密神

門神皆奏慶神歡曲三獻三奏辭譜皆同乾隆七年

定

皇帝元旦慶賀樂 黃鍾為宮

元平

和平

臣等謹按

皇帝元旦慶賀

陞座奏元平

還宮奏和平康熙八年定乾隆七年重定樂章以黃鍾

為宮筵宴同

臣等又按鄭略所列梁十二雅內如俊雅寅雅介雅需雅皆朝會燕享所用唐宋以來並沿其制明則朝賀別奏雅樂取名曰安與祭祀樂名和者不同古法乃變我

朝定制

皇帝出入奏中和樂臣工行禮奏丹陛樂三大節常朝樂章朝賀宴饗得以同用酌古斟今洵允當不易之制也

皇帝萬壽慶賀樂 黃鍾為宮

乾平

泰平

臣等謹按

皇帝萬壽慶賀暨筵宴

陞座奏乾平

還宮奏泰平康熙八年定乾隆七年重定樂章以黃鍾

為宮

皇帝冬至慶賀樂 黃鍾為宮

遂平

允平

臣等謹按

皇上冬至慶賀暨筵宴

陞座奏遂平

還宮奏允平康熙八年定乾隆七年重定樂章以黃鍾
為宮又按乾隆二十四年十一月平定回部冬至

慶賀

頒詔增撰武成慶語以誌膚功大饗聿宣足光千古已

皇帝常朝樂

月律為宮

隆平

顯平

臣等謹按每月初五十五二十五日各官

午門外齊集分班列坐

皇帝陞殿則謝

恩王公大臣官員行禮

皇帝陞座奏隆平

還宮奏顯平順治九年定乾隆七年重定樂章各用其
月之律為宮閏月則視時憲書所載交節之前用
上月宮調交節之後用下月宮調凡文武進士傳
臚及

命將出師凱旋謝

恩並同又按筵宴所奏康熙二十二年定

陞座奏協平

還宮奏興平乾隆七年定制同用隆平顯平如

盛京朝會及九年

幸翰林院筵宴四十一年平定兩金川班師凱宴並增

製樂章樂名則同

臣等又按朝會燕饗宜隨月用律為宮咸以為始於唐祖孝孫考漢鮑鄴言天子有食舉之樂所以順天地養神明求福應也宜作十二月均以迎和

氣隋音樂志亦言古者人君皆用當月之調以取
時律之聲而宋政和七年詔大晟府樂律隨月用
律右旋明大政記洪武三年定朝會燕饗樂舞之
數凡奏樂曲皆按月律則其說不始於祖孝孫其
制亦不止於唐也又考月令天子所居所服典禮
之大政事之繁無不與月律相符故能召天地之
和協五行之序隋鄭譯蘇夔請用十二律旋相為
宮而和妥阻壞之遂止用黃鍾一宮後儒多以為

非由是言之按月用律洵古今不可易之成法也

皇帝上元筵宴樂

太簇為宮

怡平

安平

臣等謹按

皇帝上元筵宴

陞座奏怡平

還宮奏安平乾隆七年定以正月律太簇為宮

皇上賜宴宗室

賜宴千叟樂

太族為宮

隆平

慶平

臣等謹按乾隆四十八年正月

乾清宮普宴宗室五十年正月

乾清宮賜宴千叟並製樂章

皇帝陞座奏隆平

欽定四庫全書

還宮奏慶平以正月律太簇為宮

皇帝臨雍樂

夾鍾為宮

盛平

道平

臣等謹按乾隆五十年二月以辟雍肇建

皇上詣學釋奠

涖辟雍殿講學

陞座奏盛平

還宮奏道平以二月律夾鍾為宮

臣等又按鄭樵略例凡非常用之樂概入別聲一門茲

賜宴宗室

賜宴千叟

臨雍講學皆屬

特行慶典具見

熙朝明備之模不當拘泥鄭例載入別聲故列於此

行禮丹陛樂

慶平

治平

臣等謹按

皇帝三大節常朝諸王百官行禮奏慶平外藩行禮奏
治平順治九年定乾隆七年奏定作樂之節於贊
禮排班聲止之後樂作贊退之後廷臣趨至仗末
樂止凡五節以一節為趨進三節為三跪九叩頭

一節為趨退如有進表宣表禮儀則於第一節樂
闕廷臣已跪之後進表宣表畢樂再作又按文武
進士行禮亦奏慶平

駕幸盛京行禮亦用慶平治平惟樂辭各異

內廷行禮丹陛樂

雖平

臣等謹按

皇帝三大節慶賀

皇后率

貴妃

妃

嬪等行禮丹陛大樂奏籥平乾隆七年定

太皇太后三大節慶賀樂

升平

恒平

臣等謹按康熙十六年增設

太皇太后宮中和韶樂

陞座奏升平

還宮奏恒平

皇太后三大節慶賀樂

南呂為宮

豫平

履平

臣等謹按

皇太后三大節慶賀暨筵宴

陞座奏豫平

還宮奏履平順治初年定用丹陛大樂康熙二十五年增

設中和韶樂乾隆七年重定樂章以南呂為宮

冊尊典禮同

臣等又按皇太后樂唐以前不概見至宋而有聖

安乾安之名蓋善則尊親至大禮也我

皇上聖孝光昭乾隆七年議定

皇太后樂廷臣請以大呂為宮

皇上以

皇后樂用南呂大呂之序在南呂後於義未協乃定亦
用南呂為宮既不至與

郊

廟有並尊之嫌又與

朝廷之樂旋相為宮者兩無妨碍也

內廷行禮樂

益平

雝平

臣等謹按

皇太后三大節慶賀暨筵宴

皇帝率王公百官行禮丹陛大樂奏益平

皇后率

貴妃

妃

嬪公主王妃命婦等行禮丹陛大樂奏雝平

冊尊典禮同康熙八年定乾隆七年重定樂章

皇后三大節慶賀樂

南呂為宮

淑平

順平

臣等謹按

皇后三大節慶賀

陞座奏淑平

還宮奏順平康熙八年定用丹陛大樂乾隆七年改用

中和韶樂重定樂章以南呂為宮

內廷行禮樂

正平

臣等謹按

皇后三大節慶賀

貴妃

妃

嬪公主王妃命婦等行禮丹陛大樂奏正平康熙八

年定乾隆七年重定樂章

海上蟠桃

臣等謹按

皇太后冊尊典禮及上

徽號慶典並有

皇帝閱

冊寶之禮於

隆殿時殿廷清樂奏此辭鉅典光昭隆古罕有非宋玉

芝壽星等曲所能彷彿也乾隆七年定

火樹星橋

臣等謹按

乾清宮除夕元宵上燈殿廷清樂奏此詞乾隆七年
定

海宇昇平日 玉殿雲開 萬象清寧

臣等謹按

皇帝三大節及上元除夕筵宴進果丹陛清樂奏海宇

昇平日進酒丹陛清樂奏玉殿雲開進饌殿廷清
樂奏萬象清寧

皇太后宮筵宴所奏同乾隆七年定

喜春光 雲和迭奏 風和日麗

臣等謹按

國初所用耕藉筵宴散樂蓋仍明代之舊雍正二年
始改用清樂進果奏雨暘時若進酒奏五穀豐登
進饌奏家給人足乾隆七年以雨暘時若三章但

照古樂府體為之不能施於宴樂因更撰此詞進
果丹陛清樂奏喜春光進酒丹陛清樂奏雲和迭
奏進饌殿廷清樂奏風和日麗

文物京華盛 延閣雲濃 玉署延英

臣等謹按乾隆九年

皇上以翰林為儲材之所

特命冬官重修院署十月告成遂蠲吉日

駕幸翰林院爰集翰林出身諸臣

錫宴賦詩以示慈惠以勵泰交甚盛典也進果丹陛清
樂奏文物京華盛進酒丹陛清樂奏延閣雲濃進
饌殿廷清樂奏玉署延英

景運乾坤泰 聖德誕敷 日耀中天

臣等謹按乾隆十四年平定金川大師凱旋

皇帝幸豐樂園筵宴進果丹陛清樂奏景運乾坤泰進
酒丹陛清樂奏聖德誕敷進饌殿廷清樂奏日耀
中天

聖武光昭世 禹甸遐通 聖治遐昌

臣等謹按乾隆二十五年平西凱旋

皇帝錫宴豐樂園進果丹陛清樂奏聖武光昭世進酒
丹陛清樂奏禹甸遐通進饌殿廷清樂奏聖治遐
昌

德威遠播飲至策勛周宣江漢不足言已

瑞旭中天麗 珠斗杓迴 景麗仙瀛

臣等謹按乾隆四十八年普宴宗室進茶丹陛清

樂奏瑞旭中天麗進酒丹陛清樂奏珠斗杓迴進
饌殿廷清樂奏景麗仙瀛篤叙展親典文賅洽準
之周雅行葦之章

恩禮尤為隆備矣

壽愷昇平瑞 紫禁春開 壽宇同登

臣等謹按乾隆五十年

賜宴千叟進茶丹陛清樂奏壽愷昇平瑞進酒丹陛清
樂奏紫禁春開進饌殿廷清樂奏壽宇同登我

皇上道隆福備恭紹

前謨普錫壽祺九垓徧被昇平瑞典於斯為極已

仰君師

臣等謹按五十年

皇上親蒞辟雍殿講學製仰君師樂章於

賜茶時奏之宏規肇建

文治光昭周雅靈臺之章方斯茂矣

祀饗別聲

御製補笙詩

臣等謹按順治元年定鄉飲酒禮京省及直省府州縣並於每歲正月十月舉行乾隆七年

御製補笙詩六篇於舉行鄉飲時奏之正月太簇為宮十月應鍾為宮初舉觴工歌鹿鳴四牡皇皇者華

再舉觴笙入樂南陔白華華黍三舉觴間歌魚麗
笙由庚歌南有嘉魚笙崇邱歌南山有臺笙由儀
供湯乃合樂周南關雎葛覃卷耳召南鵲巢采芣

采蘋工告樂備乃降考鄉飲酒禮詳著禮經誠重
典也我

國家於成教安國之本鄭重詳明乾隆五十年復
命歲時遵例舉行毋曠大典元音宣播鄉國同風歌奏
之餘不啻親聆

聖人之至教已

洙泗發源長

臣等謹按行聖公來朝在部筵燕一次恭遇

皇帝視學禮成後亦如之樂奏洙泗發源長之章乾隆
七年定我

朝重道隆儒優崇聖裔洵有超越千古者矣

啟天門 和氣洽

臣等謹按文進士恩榮宴樂奏啟天門之章武進
士鷹揚宴樂奏和氣洽之章乾隆七年定我

皇上觀文成化政教光昭乾隆五十一年定鄉試鹿鳴
宴歌鹿鳴之詩會試恩榮宴歌棫樸之詩鷹揚宴

歌免置之詩凡以折衷古制宣鬯雅音與

經筵禮成筵宴臣工

命歌抑戒之詩並足焜耀史書輝煌鉅典因是書編纂
之例以五十年為斷故謹於按內聲明

樂舞

臣等謹按鄭樵所載樂舞僅列文武二舞餘皆不
錄我

朝舞制斟酌盡善損益得中

壇

廟之舞為佾舞宴饗之舞為隊舞凡所以象功昭德者無不備諸形容至於瓦爾喀回部諸舞尤見

聲教覃敷蹈德詠仁無遠弗届謹詳錄之不惟備周官六舞之盛且想見兩階干羽之化焉

武功之舞 文德之舞

臣等謹按順治元年定制用八佾六十四人初獻奏武功之舞亞獻終獻奏文德之舞諸祀並同惟

文廟用六佾三十六人初獻亞獻終獻均奏文舞

大雩童子舞

臣等謹按乾隆七年定

大雩童子舞制祭日用舞童十六人衣元衣各執羽翳於
終獻畢文舞生退後司樂引舞童進舞童八列按
舞歌

御製雲漢詩八章歌畢乃望燎其羽翳俱染五采蓋本

周禮皇舞之式云

慶隆舞

臣等謹按隊舞總名為慶隆舞介冑騎射為揚烈舞大臣對舞為喜起舞

皇帝筵宴中和樂止後奏之先揚烈後喜起盛德之形容

祖宗之令緒洋洋乎備見於斯已

世德舞

臣等謹按乾隆八年

皇上恭謁

祖陵

親撰世德舞十章於謁

陵禮成

御崇政殿筵宴時用此舞著為定制又按乾隆四十八年普宴宗室亦製世德舞樂章奏之揚

祖烈篤宗支周漢以來未有如此盛典也

德勝舞

臣等謹按乾隆十四年平定金川二十五年平定西域凱旋

賜宴並製樂章奏此舞

喜起舞

臣等謹按乾隆四十一年平定兩金川四十五年皇上七旬萬壽並製喜起舞樂章於筵宴時奏之

武功震疊

聖社延洪登奏之餘洵足婉簫韶而軼護武矣

蒙古樂曲舞

臣等謹按綽爾多密什幫總名為蒙古樂曲綽爾多密為笳吹什幫為番部合奏跳擺索為繩技

皇帝三大節上元除夕等筵宴於慶隆舞畢後奏之

瓦爾喀部樂舞

臣等謹按

皇帝三大節上元除夕筵宴慶隆舞畢笳吹進後掌儀司引瓦爾喀部進司舞八人以兩為隊按隊進舞

朝鮮國佻舞

臣等謹按朝鮮國佻舞佻長一人戴面具從右翼上擲倒技十四人從左翼上自東向西各呈其伎皇帝筵宴時瓦爾喀部樂舞畢後用此舞

回部樂舞

臣等謹按乾隆二十四年平定西陲回部敬獻樂舞

皇帝筵宴時於瓦爾喀部樂後以次奏樂陳伎司舞二

人舞盟二人先作樂司舞二人起舞舞盟人上以
次舞畢退

五魁舞

臣等謹按部宴衍聖公及文武鄉會試筵宴用歌
童五人衣五魁衣進舞